

可

園

詩

存

可園詩存卷二十五

江甯陳作霖伯雨

蟠園草

起光緒丙午
迄丁未止

送丁秀夫明經

傳靖

返京江

揚子江頭春水生
梅花香裏送君行
榜人停櫂猶未發
執手歛歔無限情
天喪斯文禍已迫
萬方一概將安適
值此蜩蟬羹沸時
歸去故鄉翻作客
寥落知音吾道孤
成連仍復鼓琴無
相期高踞金黿頂
海上仙人儻可呼

種樹篇

宦學易招尤
激而思遁世
吾豈老諄哉
不爲子孫計
闢地結茅茨
墾山學樹藝
桃榴千餘株
棠梨亦並植
分根有須纏
小枝僅指細
不知七十翁
得見成林未
及今速爲之
假年或可

可園詩存

卷二十五

冀春花競鮮妍夏葉生陰翳約以五載期當獲十倍利富與
封君同史遷言非尫幸附農家流世業永弗替

張楚珩觀察

士珩濟上鴻泥冊子十二詠

華峰挹爽

峰勢何岌堯蓮花半吐萼倒影浸明湖天風吹不落華泉能
飲無下車自斟酌

鵲橋踏雪

鵲山雲氣生雪作天花墜冒冷出門行驢背生詩思驛使期
不來折梅將誰寄

明湖泛月

北地多風沙濟上水獨別一湖占半城夜帆常挂月天水無
纖塵此境真清絕

趵突觀瀾

濟水皆伏流隨地溢而出勢激化爲三清洌無與匹中泠泉
久湮品應推第一

鐵祠賞荷

崇祠俯澄湖炎夏午不熱風從荷際來清芬以時發挺立自
亭亭藉表孤臣節

千佛披雲

千佛實一佛威力真大雄化身雲中見不復居琳宮攝山巖
鑿石毋乃與之同

潭西拜石

五龍潭水西有石奇而醜鍾秀幾何年南山疑並壽是宜兄
事之且隨米顛後

匯波觀稼

映田百頃開嘉禾實爲瑞侵曉憑高城一望綠無際風吹稻
花香大有江南意

龍洞延秋

行雨龍偶出帶雲龍復歸陰崖秘靈窟松檜皆十圍坐久忘
日暮涼風吹人衣

開元尋碑

濟陰有盤谷行行路難窮古寺在何許時聞一聲鐘殘碑倒
地臥年深苔蘚濃

長春訪道

真人逝已久誰復知元機遺蛻不可見白雲封巖扉把火偃
僂入仙鼠撲人飛

潛亭獨釣

主人抱偉略斂抑不自矜
小築寄幽賞萬柳圍一亭
六韜誰所著乃以釣叟名

七十自壽詩九首

櫻筍廚開會率真問年已是古稀人
料量百事惟知足著作羣書漸等身
子姓尙能傳舊業家居長此守清貧
循陔往事分明記留得蘭馨六十春

曾經京口屬藥韃上計輕裝又入燕
溫造偶參戎帥幕張憑屢泛孝廉船
柳營草檄無殊績杏苑探花讓少年
半世功名何所就揆文奮武總徒然

建業名區幾變遷故家喬木渺風煙
孝侯欲作歲時記承祚新成耆舊編
六代江山吳楚外彼都人士宋齊前
鄉邦文獻

憑收拾漫以元亭野史傳

四望山根闢講堂絲牽傀儡也登場怕談時局三緘口獨抱
殷憂九轉腸人視此身爲社櫟我憑兩眼閱滄桑痴頑老子
今誰是自敘平生亦慨慷

餘生無用等懸匏幾許閒情賦解嘲緩步安車猶可代挑燈
細字尙能鈔幸無疾病辭珍藥頗悟盈虛玩易爰拔地參天
林木茂鷦鷯只占一枝巢

老來隱趣竟如何西郭營成安樂窩春水綠融新雨足晚霞
紅襯夕陽多遊山有興謝靈運種樹爲生郭橐駝機事機心
無可遣且將農圃補蹉跎

花開婪尾晚春餘排日壺觴笑語俱馬糞王郎森綽達龍門
隨婢挈清娛歸甯諸女嚴妝拜繞膝童孫當杖扶安得丹青

吳道子倩將家慶寫成圖

晨興蓬戶集衣冠旋馬翻嫌地不寬
溫潞耆英皆等輩河汾弟子半尊官
武公幸值初筵盛杜老休辭再拜難
賦就新詩聊自壽傳牋先與眾賓看

由靈谷寺山行至紫霞洞觀瀑有作

鍾山近在東郭外歷代幽栖多佛寺
初夏陰陰氣候佳筍輿十里行纔至
身入雲中不見雲涼沁衣襟生潤膩
合抱長松誰補栽時有幽花落空翠
樹林夾路高障天風來往往流清吹
斷碑倒地苔蘚埋剔觀恐有齊梁字
誌公一塔巋然存鳥道沿緣徑深細
隨山作勢低復昂陡崖劣不容車騎
手攜藤杖鼓勇登腳底石搖踏欲墜
古洞陰森山腹嵌水簾一瀉噴珠碎
掬泉冷嚙亦自甘輕清不減中冷味
尋源雨後逾奔騰

可園詩存

卷二十五

四

終古淋浪不開霽境當寂處斷聲聞內觀頗悟西來意嗚呼
我生苦不辰羣言淆亂如羹沸安得結茅住此閒不復與聞
塵世事

紫霞道院謁劉誠意伯像

千古文成論留侯後一人興王自有在決策動如神都以龜
蛇定年羞龍鳳遵奈何道家祀香火例仙真

秦淮舟中聽王耀先彈琴

楚客抱琴至清音弄角商鄰船歌響寂初夏水風涼元亮趣
能解鍾期情亦傷神韻曲終明月上仍照女牆旁後四句一
易得余情幾坐忘猶餘
古時月煙外影微茫

山居

小庭僅數弓蕉竹隨意種山氣夏猶寒雲陰晚逾重巢成燕

慵飛水近蛙羣閤萬事不關懷夢醒卽忘夢

贈王徒南道士

壯年便已棄儒冠劍鋏隨身嬾復彈斗宿壇邊朝拜錄葛仙
寵裏夜燒丹煙雲幻境於茲悟山水閒情最耐看獨抱青琴
求古調蓬廬雖窄寸心寬

劉松年道士瓢壚銘題詞爲楚珪觀察作

結得茆庵自養真鈍根參透亦前因鍾山東去華山路萬樹
桃花洞口春

無冬無夏一單衣已是丹成九轉時人世文詞都不識亦書
符篆亦歌詩

竹居

楚珪齋名

志墓傳新作唐代銘詞一例工從此古今兩瓢壚

道家竟與釋家同

自由

跣足科頭慣誰云不自由月明愁食夜

六月望月食

雨好說騎秋

諺云騎秋一場雨偏地是黃金

世事渾難料勞生未遽休南飛有鴻鴈總爲

稻粱謀

悼劉一谷楊彬如兩道人

劉居蔣山紫霞洞楊居巖山二臺洞

金陵兩道人散居東北郭蔣阜蔭長松巖山翳叢薄游蹤曾

過從揮塵天花落希夷參臥禪

一谷好陳搏道法

黃石談兵略

彬如從軍

曾得武功爵

厭世俄羽化同茲大解脫洞門雲不扃儻有歸來鶴

學堂諸生畢業禮成紀盛

東南秀氣分茅蔣衿佩青青弟子容古洞學規參白鹿半天

旗影展黃龍遞升士自鄉閭始于邁公欣大小從差幸抱經

秦博士白頭猶許作儒宗

仿古諺

天下洶洶聳然不靖百犬吠聲一吠影卿自用卿法吾亦愛

吾鼎

張味魯廣文遺稿題辭爲信魚州倅

是字作

高吟遣興口難緘半載吳中未解嚴

咸豐庚申年詩

蒙穀負書存舊

典杜陵采藥託長鑱思家每玩中天月卜宅偏鄰拂水巖

常熟幸得吉光留羽在後人珍重秘瑤函

靜觀

寒風雖云勁吹不散鴉羣靜觀得物理意亦多所欣矯首望

長空秋色何繽紛高樹落黃葉遠山生白雲委心任去留吾

慕陶徵君

寄酬金粟香

武祥

同轉

可園詩存

卷二十五

木

知君名早識君遲眉宇欣瞻元紫芝垂老共憐耽結習送行
惜未話臨歧雲天鴈過傳書候風雨雞鳴勵志時近讀

朝廷崇聖詔小儒惟有涕交頤

時詔升孔子大祀

歲莫感懷次韻寄酬青叟三首

七十老禿翁尙復何所求春旣非我春秋亦非我秋驚諸駒
度隙形過影不留生與能幾何語同趙孟偷豈無俠少年放
之出一頭識時矜俊傑矯矯甯我儔登高望北邙今古貉一
邱自非胸超俗氣味焉能投寥天嘆孤鶴東海翔羣鷗神交
隔千里自信非凡流

諸陽盡於剝復初開一畫欲以測天心暮年乃讀易龍潛探
淵鱗隼射高墉翮貞下卽起元時來無閒隔治亂期不爽史
傳尋陳迹吾身蝨其閒百代皆過客先否後必泰上損下始

益幾者動之微吉占得介石

殘年餘四日前此日爲往欲覓無從覓幾作夢幻想何況數
年前思之更惘恍老屋青溪邊梅花雜榛莽五老幸留圖煙
雲資供養敦槃久零零佳什誰復賞擬以耆英會此語甯非
誑河北寒氣凝雪花大於掌遙想飲屠蘇山太尊用兩

丙午除夕感賦

守歲歲不留逝如蛇赴壑迎年年卽來速如鵠引繳萬古此
滔滔一身殊落落垂老闔戲場舉世飲狂藥無玉肯匿瑕有
鐵皆鑄錯石運儻難迴餘生將焉託抱茲耿耿懷屠蘇酒自
酌醉後意豁然未死姑謀樂

蟠園行樹

種樹甫一年枝條猶未豐園丁勤灌溉非無培植功山深塵

塏遠凍釋土膏融雖經野火燒

去冬茅屋被燬

蘇之以春風連朝雨

澤透生氣遂蓬蓬稚桑芽努碧小桃花綴紅物類欣得時音

生將安從漆園莊夫子竹林阮嗣宗

傅茗生觀察

春官

歸自江右邀同程洛菴部郎

志和

繆筱珊

學士

荃孫

俞恪士梅斐猗兩觀察

明震光遠

公祭顧石公徵君

雲

禮畢褰飲烏龍潭上感賦

扶疏花竹繞精廬隔水鷗鳬近可呼上已右軍開雅集南昌

孺子奠生芻人招舊雨偕今雨地似前湖接後湖莫向黃壚

尋昔夢清涼山色太模糊

有悟

人爲時情苦牽惹入夢時多醒時寡葉公假龍作真龍塞翁
得馬卽失馬覆轍其如不鑒何圍棋儘有旁觀者來因去果

自分明微笑拈花悟般若

入山

入山雖不深漸覺遠塵俗得時草木榮垂老光陰速愛茲春
夏交生趣溢耳目枯藤半著花新筍都成竹弄晴鶯亂飛喚
雨鳩相逐吾亦忘其衰學農蕪黍菽

夏初

亭午溫和旦晚涼夏初天氣日逾長雲生雨後山如活花落
庭前土亦香書憶兒時猶爛熟詩當老境未頽唐焚香瀹茗
皆功課添得閒中幾許忙

垂暮

廚中櫻筍又嘗新垂暮光陰倍足珍鏡照須眉難諱老價增
薪米亦憂貧閒時聊借書遮眼倦極何妨睡養神漫道一年

可園詩存

卷二十五

入

花事了猶留芍藥送餘春

蕭齋

遽然午夢醒兀坐蕭齋久瓶花落几香牕陰積苔厚待月生
眉蛾觀雲幻衣狗無物足攬心鄉入亡何有

平原

日日眺平原陰晴變昏晝霞生林若燒雲起山多皺出水魚
蝦跳爭巢鳥鵲鬪物物有天倪任人自尋究
無計

無計留好春花開旋卽落琴絃改新彈棋局多悔著酒乏家
釀陳藥防醫用錯何時心太平宵夢不作惡

遊三台洞

北郭山最奇嵐氣時吐納懸崖結屋牢如鳥巢木末仰視忽

不見空翠四圍合洞陷山腹深陰陽互開闔晴天晝亦晦捫
壁蒼苔滑危梯逐步移怪石迎頭壓歷級地勢傾出險天光
豁螺旋路已窮蝸殼廬何狹鐘魚遠近聞香火仙佛雜洞中祀呂祖及觀音吾欲留其閒與雲同一榻

小游仙十首

殿上垂簾蕊異香東廂偷覷小兒狂瑤池會散蟠桃老王母
於今鬢有霜

蚩尤旗影閃層雲盧矢彤弓孰策勳天棊天槍雖沒用玉皇
招作羽林軍

羽衣曳處態翩躚曾結紅塵未了緣蕭史乘龍喬控鶴飛升
天上總青年

瑤草琪花景已非雲容駘盪日熹微秦時三百童男女新自

蓬萊島上歸

海水溟濛直接天
浮查星使幾時旋
牽牛欲了蹊田債
頻向天孫索聘錢

等閒脫卻舊青衫
塵世科名一例芟
回道入真難免俗
猶將進士署頭銜

石鼎燒丹九轉成
結喉道士有詩名
本來不識人間字
賺得雲章返太清

天市星垣一道斜
金銀氣盡估人家
問來米價休嫌貴
都是麻姑擲下砂

名寫紅箋墨未乾
同行騎虎眾爭看
韻書卽是姻緣簿
作配文簫有采鸞

桂樹香飄秋夜涼
漫將仙斧縱吳剛
且從狡兔營三窟
他日

閒身月裏藏

自題讀來生書齋詩

佛氏談輪迴久爲儒者誚精氣與游魂頗亦窺易奧入水雀
爲蛤當秋鳩化鶴此理在目前於人可互校繁予夙嗜書問
年則已耄仍然手一編精神任消耗餘年有幾何每致人嘲
笑豈知千萬劫生死迭賀弔身異性常存老者倏而少名花
發新枝宿雨成積潦蚤慧彼何人貌定耆英肖因之坐斗室
於道求深造朱經血痕鮮羊環金色耀明月鍊前身炳燭趁
餘照來生書預讀庶以從吾好

閉門

閉門卻掃不關窮於世何求七十翁國志成書常璩倦老年
省事杜微聾映階芳草秋仍碧戀樹殘陽晚更紅胸際本來

無一物休分厚薄待雜蟲

題夏伏雛

紹竺

綺秋集二首

兜離與侏僂到處變夷音祇覺傷心極何來擁鼻吟緣情才子賦憂世少年心此調不彈久泠泠太古琴

燕市揮鞭早秦淮泛棹遲新蒲曲江淚香草楚騷辭綺想夢中託清狂醉後知廣陵散未絕詩界要維持

登半山寺後山作

鍾山白雲起蒼然秋氣深古寺在山麓入門松檜陰牆根一水流激石成清音青溪源所導未受纖塵侵步屨隨徑轉高處恣登臨兩亭參差立間以丹楓林洞扉遙相望東巖聳孤岑謝墩至今在王宅何處尋矯情物可鎮變法力難任鐘聲聞一杵消盡爭競心

丁未除夕有感二首

此生兩閱紅羊厄，合以天隨子署衙。局勢紛紜如置奕，風波險惡且收帆。未嘗臘酒心先醉，偶見奇書眼尙饒。自笑癡狂無處賣，新年仍著舊青衫。

七十一年彈指過，鬚髯白髮滿頭生。盛時景象華胥夢，亂後文章變徵聲。眼見四朝邵康節，手營數畝庾蘭成。歲除冰雪誰能耐，一縷梅花香自清。

可園詩存

卷二十五

七

可園詩存卷二十五

男詒紱孫祖同校字

可園詩存卷二十六

江甯陳作霖伯雨

近遊草

起戊申正月迄己酉四月

戊申元日試筆

新年喜色溢晴郊
腰鼓鼕鼕眾競敲
布憲周官行我法
美新揚子解人嘲
鄰雞三唱猶棲堞
社燕將來未定巢
一樣春風無厚薄
居然送煖到衡茅

衰年

衰年無媚骨
面目實堪憎
已覺安貧慣
誰云免俗能
請祠官給祿
退院寺留僧
時謝學堂事猶任崇粹校長如故
結習終難改
書窗守一

燈

罷講後自嘲

南宗講席罷傳燈證果居然得上乘東院挂單西打坐鉢山

有髮退居僧

時構全福菴新宅任便居住

夏綺秋生子詩以賀之

啼聲清脆應歸昌丹穴新生小鳳皇聞說釋迦親抱送曼陀

花雨散奇香

是日佛誕

滿堂賓客皆名士湯餅筵開醉飽初國粹維持吾輩責莫教

錯寫弄麀書

寄懷濮青叟

自不見君今四年北望離華愁欲絕子雲著書冀死傳長庚

入夢驚生別耆英社會畫留圖文字因緣僧記前

僧文日蒞

兩地

休傷聚合難三千里外同明月

老懷

人非龜與鶴那得壽千齡無病渾忘老此生聊寓形弟兄聽

夜雨

鳳弟新自湘南歸

朋舊感晨星

今年周健堂秦伯侯借逝

觀古眼如炬談今

日守瓶富貧毋改素鬢髮不重青書爲來生讀囊中且聚螢
玩月作歌次青叟見懷韻并悼伯虞

三千里外同明月卅度團團卅度缺只此中天一片光分照
他鄉與故鄉秦君幽明忽異路爾我天涯不同住手把南岡
讌集詩欣然某某皆在斯生死交情月鑒之

寄青叟三首

君年七十九我年七十二泮水喜重遊相隔只一歲濟南隱
伏生江東重馭臂誦習非一家同爲斯文係後顧無傳人竊
恐道墜地采藻賡詩辭碩果參易義

故人日日聚清談快揮麈比肩若蛩驢學舌無嬰武語過旋

卽忘誰復爲記取不如兩地居修箋付鱗羽人日詩題高嵩
雲書寄楚精神終古存不與人同腐

已過境恩恩未來事渺渺一身領受多只有現在好新秋風
漸涼永夜月逾皎人世幾須臾徹悟君獨早無果復無因築
龕以娛老子亦笑拈花色空殊了了

永濟寺登眺

九月二十四日

言尋永濟寺遂上白雲樓山遠含煙晚風高落木秋江天歸
一覽雲物散千愁萬象俱空寂憑誰問貫休

江行

二十五日

風緩江流平日高霧氣薄歷歷京口帆迢迢秣陵郭百里數
郵程十年尋舊約一埧表金山鈴語空中落

登金山迎江埧作

江中望浮玉高埵聳孤根及陟金山麓磴道曲可循仰穿潛
虬窟俯瞰飛鵲羣檐際宿日月舉手星可捫北望廣陵樹南
指京峴雲海潮從東來圖山爭一門四顧無障礙始覺所見
眞太白登禪靈子美升慈恩超出世界外高處置此身擺脫
凡俗累壹意皈能仁愛噴癡諸念化去若飛塵天地且易盡
何有果與因

北固山感賦

二十六日

山上高樓樓下江樓中面面啟晶窗

南巡盛事無人說

水月山房

北固山上
行宮名

門掩雙

焦山方丈觀福郡王蕩平臺灣圖放歌

我今訪勝來焦山老僧迎客須肩斑周鼎漢爐晉銘石前朝

法物恣大觀就中有圖最精妙

純皇當日平臺灣福公作帥海公將礮聲震地旌摩天澎湖
飛渡神助順鎮風有寶巖右旋一戰諸羅保遺孑再戰番社
摧兇頑林莊授首報大捷柴伯造次猶蒙冤嘉義改縣紀乃
績告成太學碑深鐫紫光繪象餘墨潘軍容茶火摹

十全是時

六飛正南狩定慧古寺逢了元

詔頒內府最善本碑藏石室金匱閒永與彝器守勿失雲臺
麟閣俱等閒迄今一百二十載披圖令我生慨歎絹素山川
無恙在海外陵谷幾變遷蚩尤竟天長不滅朱崖棄地終難
還衣冠之族易鱗介琉球高麗亡忽焉鮫宮鯢壑俱入貢安
能重觀乾隆年

登焦山觀音崖坐夕陽樓

非參觀自在崖際小勾留
甘露灑三界夕陽斜半樓
高低迷石磴來往數江舟
佳處亭何在藤梧滿徑秋

白京口坐火車返里

二十七日

朝食京口魚午飲建業水
漏點才十刻郵籤逾百里
遠地縮長房輕風御列子
始信舟有輪不及飛車駛
稚子歡迎門拍手爺歸矣

戊申冬會飲治山學舍同集者繆筱珊

荃孫

司馬晴江

湘朱

仲我

孔彰

丁禮民

立中

張頌穆

是保

陸安山

厚基

沈子良

維驥

龔艾堂

乃保

張紹庭

恩慶

感成集句二首

人生七十古來稀

杜甫

劉向傳經心事違

同上

寒與梅花同

不睡

陸游

閒尋鷗鳥暫忘機

辛融

唯將遲暮供多病

杜甫

不

用登臨悵落暉

杜牧

六代江山金碧地

陸游

穿林片片疎雲

飛

李若瀛

冷風黃葉滿山城

徐鉉

一片傷心畫不成

元好問

少帝長安開紫極

李白

朝陽爛漫作新晴

陸游

拚將酩酊酬

佳節

杜牧

已卜餘年見太平

陸游

別館友朋留醉久

伍喬

出

門一笑大江橫

黃庭堅

不寐集句

紙屏石枕竹方牀

蔡確

臥後清宵細細長

李商隱

魂魄不曾

來八夢

白居易

滿窗明月滿簾霜

同上

獨臥無人雪縞廬

蘇軾

寒宵吟到曉更初

姚合

此情可待成

追憶

李商隱

紅袖添香夜讀書

閻名

治山文譙不作者八年近復舉行感逝傷離仍用己亥年終

筱丈原韻

八載恩恩換劫塵敦槃氣象一番新座中今雨來嘉客

二張未就

皆新入會

天末停雲念遠人

濮在山東傳在江西

鬚鬢盡從愁裏老性情偏

覺醉時眞黃壚重到休生感誰是南荒不死民

秦伯叟鮑雲老

集莫愁湖榭用繆筱丈韻

風從湖上起吹酒生微漪諸老興不淺何殊少壯時沙鷗聊

與狎霜柳未全衰痛飲休辭醉讀騷箋臣離

集繆氏蓺風堂作東坡生日仍用新字韻

茫茫滄海幾揚塵八百餘年歲月新

少主又逢元祐世耆英且學洛中人奎垣長此留光燄春夢

何須辨幻眞壽樂堂開觴咏盛誰爲致遠與庖民

擬黃涪翁演雅

可園詩存

卷二十六

五

天地造成爭戰局，保蟲擾擾相馳逐。豹死留皮空有斑，蜮生射影工含毒。猥寒被獲貂，誰憐伺隙急。乘狙久伏入籠，鸚鵡能巧言轉翼。蜣蜋求果腹，驢技驚人止一鳴。兔狡藏身恃三窟，昧恩乃忘雞哺雛。助虐或教猱，升木千年成怪冢。中狐三日忍飢，河畔鵠何如化作一蠹魚。畢世書中享清福，已酉元日試筆。

宣統初元第一日，此身已是五朝人。著書遺日幾忘老，賣字爲生不諱貧。夢裏空花頻現影，剝餘碩果尙含仁。

朝廷聞說頒新詔，願作康衢擊壤民。

胡碧澂同轉

光國

招集愚園作香山生日觀，己卯年壽日詩。

卷感賦二律

海山兜率證前因，仍是愚園一段春。三十年來廢雅集，一千

載上拜詩人斬新花鳥娛心目耆舊文章見性眞賸有馮唐

夢華中丞

無恙在卷中故友盡淪淪

行年七十尙頑癡正是青山獨往時半李黨人休溷我蘇杭

宦蹟待尋伊

擬遊蘇杭

須肩雅稱香山社格調頻摹長慶詩春色

滿園人介壽梅花成雪柳成絲

春望回文

深塢竹籠煙滑階苔過雨尋巢舊燕飛闌樹春鷺語

語鷺春樹闌飛燕舊巢尋雨過苔階滑煙籠竹塢深

夜坐回文

連環格

滴壺蓮漏永凝淚燭花雙葩醇香留鼎玲瓏月印窗

窗印月瓏玲鼎留香醇葩雙花燭淚凝永漏蓮壺滴

永漏蓮壺滴雙花燭淚凝鼎留香醇葩窗印月瓏玲

可齋詩集

卷二十一

六

開闔戶風喧密疏簾月漏胎含梅萼繁脊聳鶴形瘦
密疏簾月漏開闔戶風喧脊聳鶴形瘦胎含梅萼繁
紅梅入首次樊雲門方伯韻

江上紅披釣客衣悠悠一水比清沂久傳漢代神仙胄新著
唐家刺史緋斗室芝蘭交若素公門桃李種嫌遲碧林極目
看非誤竹外橫斜有一枝

天涯幾日又東風花事居然到闌紅星宿降精纔化鳥冰天
吐氣竟成虹楞嚴色占三千界爛漫春回廿六宮翠羽明璫
方入夢風光綺麗趙師雄

等閒不受蜚蜂欺春色鮮妍覆水枝香屑飛瓊成咳唾紫囊
壓笛稱腰支丹霞峰頂雲千朵赤石磯邊柳萬絲醉後酡顏
相與映浩然真趣酒中知

寒林千樹放奇葩說是孤山處士家
冒冷驢應來紫陌飛空鶴亦帶朱霞
丹心數點占天運彩暈重輪逗日華
平淡之中生炫爛幾番開到筆頭花

少年綺夢已無多庭院其如冷落何
香雪丹成能換骨紫雲曲好且徵歌
茜窗巧界烏絲格花樣新裁鳳尾羅
紙帳儻令同絳帳寒宵問字有人過

點額含章改舊妝瞳瞳晴景上朝陽
奇姿穠豔疑階藥異種芬芳讓海棠
屏上折枝猩染色爐中餘燼麝留香
他時結實調羹味榜首緋袍不可忘

嫣紅姹紫未全開報道江南驛使回
圖繪消寒宜彩筆詩成奪錦豈凡才
孤標鄧尉爭妍麗零綵唐宮費剪裁
羨煞清高無俗韻鸞肩火色馬周來

玉堂清切近丹霄入直寒生蜀襜袍赤石英中雲母碎黃昏
香裏月兒高壓枝猶賸江洲橘弄色休疑露井桃鐵石心腸
金紫貴廣平珍重染吟毫

題胡碧澂詩藁

宿雨初晴日上遲冰文一卷手親持竹梧庭院蒹葭館讀遍
愚聞父子詩

極望淮東路渺漫雲龍以外更無山曉風殘月皆詞料吟向
船舻馬背閒

杏花村外鳳臺邊散髮斜簪望若仙欲繼倉山設壇坫敦槃
聞寂百餘年

擬兩頭纖纖歌三首

兩頭纖纖冠上簪半黑半白髮鬢髮膈膈膊膊人工讒磊磊

可園詩存

卷二十六

落落無私談

兩頭纖纖筍樣鞦半黑半白泥沒階
兩頭纖纖早晚風半黑半白裘蒙茸
落落好友來

兩頭纖纖早晚風半黑半白裘蒙茸
兩頭纖纖早晚風半黑半白裘蒙茸
落落能耐窮

惜花四首和繆筱珊學士

今年難得天逢閨小園日日探芳訊
光陰止一瞬張幔懸鈴謹護持依舊落英飛作陣君不見佛
家一劫仙一塵打破虛空有幾人

愛花須識花情性品花須判花宜稱清香馥馥借風傳暖意
溶溶邀月映可奈天公不世情日炙雨淋花短命君不見東
坡海外哭朝雲美人長壽古未聞

風風雨雨將春送
築塚葬花心最痛
杜鵑帶血猶自啼
胡蝶多情還入夢
早知艷色總成空
深悔當初手親種
君不見冒園春事久
闌珊影梅憶語怕頻看

藏花曾築黃金屋
照花也燒紅蠟燭
從來我輩最鍾情
植根淺薄花無福
枝頭子亦隨風零
陰陰一片傷心綠
君不見章郎老矣非
少年玉簫空結再來緣

西石城風俗志題詞爲陳善餘廣文

慶年作

禮行由朝廷俗成由邦族
欲識禮所生未有不因俗
京江隱君子居近橫山麓
鄰里頻往還不改土風樸
禮卽寓俗中涉筆著爲錄
方汙泊宅編賈勰齊民術
舉一可反三推行及九域
輶軒儻采之權當國風讀

過三江口贈友

竹樹成陰筍努芽門前春水足魚蝦不知城市喧囂事兒讀

農書婦紡車

隨緣

三月十三日

我遊本隨緣行留無定處星火明瓜洲顛風忽斷渡騎鶴興
已盡何必揚州去返櫂沂洄流買車遵陸路有筆賦吳都自
幸非僇父

舟行

十四日

吳孃莫唱雨瀟瀟欵乃聲中柔艣搖兩岸陰濃青不斷妍風
淡日過楓橋

天平山二首

天平聳萬仞浮嵐晴不收白雲滃然合中有神龍湫鉢盂承

竹筴泉聲咽細流

白雲泉又名鉢盂

兼山

閭名

峙孤閣萬樹圍一樓猛

進力尙任再轉境彌幽夾壁劣容身懸崖低觸頭出險平臺
坐豁然明雨眸靈巖半寸塏太湖一粒舟高處偶俯視何物
非浮漚變滅須臾閒悄然生古愁

范氏有古阡近在茲山麓一石具一形朝天森萬笏緬想文
正公憂樂同民欲當作秀才時已定宰相局多能及鄙事素
善青鳥衛述祖賦既成佳城氣蔥鬱陰德天所祐子孫自蒙
福吳中第一家世業此喬木高枝虬龍翔孤根獅象伏蔚然
松柏林不改宋時綠

戒幢西園寺

支硎遊未倦寺訪戒幢深行列雙林翠光生萬佛金袈裟勤
梵唄水石表園林天女散花罷常留不染心

是日作水陸道場

虎邱雜詩

十五日

闔廬葬處安禪寺說是生公舊道場石不能言頑愈甚吳宮
花草至今香

湛盧已逐楚王去殺士屬鏤尤不祥劍氣消沈池水涸霸功
畢竟屬魚腸

吳儂生小住蘇臺春日風吹裙衩開不弔英雄弔兒女真娘
墓上踏青來

天平泉水太湖月盡入香山一卷詩不識白祠何處所千人
石上立多時

盛氏園

自昔吳中名勝地園林結構本天成迷途隨石崎嶇轉隔水
尋橋曲折行煙蘿露苗皆得氣珍禽奇獸不知名謝公別墅
依稀見花下未聞棋子聲

常州火車中作

望望呂城

呂蒙故壘

到恩恩陵口

齊高帝陵

過程途千里速豪傑六朝

多縮地非仙術斯遊亦夢婆車行雖異軌不改舊山河

京江寓樓曉望

十六日

江樓與雲齊憑闌送遠目曉霧尙冥濛不見春山綠約略金鼇峰埡尖未全沒寺鐘儻有聲驚飛出林鵲

南徐雜詩

十七日

霏霏霧氣風吹盡曉色唯餘一抹霞不見仙人殷七七杜鵑猶放鶴林花

林密山深招隱處戴公於此愜幽情等閒我亦思攜酒來聽黃鸝三兩聲

虞部郎官許用晦晚唐詩格最清華柴門臨水松成徑丁卯

可園詩存

卷二十六

七

橋邊第幾家

書名不亞蘇和仲
潔癖偏逢段去塵
寶晉齋荒圖畫散
斷碑誰識米顛墳

尋竹林寺

京江西南郊林壑尤蔚美
雲合亂山巔寺藏深樹裏
合掌僧遠迎信步客隨喜
殿緣層磴高樓依峭壁
起窗外別有天日氣射山紫
塢毀臙幢竿殘字尋蕭李
疑入蘄菑林色香參佛旨
花落無人拈濃陰清似水

五雜組俳體四首

五雜組祝不齊
往復還吏緝私不得已
挂洋旗五雜組路分界
往復還火車快不得已
抵國債五雜組農工商
往復還東西洋不得已
開學堂

五雜組戒煙令往復還嚴查禁不得已報老病

見月效杜主客俳體

忽見初三月月娥臨鏡羞雲鬢肩印印雨藉肚兜兜俗謂初月爲兜雨月惜日日易晚懷人人倚樓新愁新觸起又把舊愁

勾

遊絮漪園懷濮青叟

異日香山觴咏處化爲金谷綺羅春幾多亭榭新圖畫園歸袁氏

新築不見園林舊主人歐相有花園錦繡芍藥未殘米顛無石拜麟

岫園有水無石龕名見在今安在青叟有見在龕悟徹禪家未了因

喜雨用老杜韻

亢極畜成雨乾施得大生好蚌無易種蛙黾有歡聲瀑布挂檐響金絲掣電明麥黃秧碧景天爲畫江城

司馬晴叟入十壽詩四十韻

八百彭錢壽今才得一分庚寅皇攬揆君以庚寅年生典午世銘勳

謂北舍遷鸞谷新遷竹橋南山隱豹文歸隱二十年老猶常把卷名久

著多聞字體摹分篆工三體書書源溯典墳春秋解麟獲爾雅辨

龜賁列國詩分什爻辭易重斤偏習羣經對棋招橘叟善奕采藥法

桐君工醫文仗分犀筆通鑑諸子皆有摘錄香飄辟蠹芸畫兼諳水繪精於

繪琴每引風薰嗜彈琴交與高僧契多方外友經參老子云好道甄

成工祭獮喜抄撮掌故禮接重包廬婚冠及歲而學成可奈驚傳箭無由

聽鼓鼗遇亂輟試流離困衣食出入冒戈瑾曾負尋親帖封公避賊他往

聞關求相將避賊氛賢昆資以讀小山弟猶子愛彌殷族子自賊中逃

出資以性摯言無閒才高理不勞龍潛能悟道好靜禽戲借

成立善導舒筋引術雅量真超俗清談善解紛芙蓉徵入幕楊柳賦從

軍

游幕院豫并參嵩武軍事

位中賓僚選勞宣記室勤旅遊追歷歷捧檄

亦欣欣下士陳鹽論枝官向海濱

就浙江鹽大使旋補川長場缺

予瞻初宦

浙介甫適來鄞

川長在甯波

潮岸施錢弩歌船屏越裙潯河通故

道挑鹽

散粟閔飢瘡振被水

墾土農登穀

開荒

延師士受纁

興復

十年經倏忽末職謝紛紜

年近七十謝事歸

去矣裝行李歸哉

訪社粉耆英邀潞鄭

作九老會

教澤衍河汾

周宅投徒

幸得冠簪盡休

將筆硯焚

以下敘同遊

治山筵坐雨天闕展穿雲千首詩爭麗三

蕉酒半醺吟偏忘旦暮語每徹宵听命駕聯稽呂忘年拜紀

羣毫期逢上瑞旭日現祥雲眉案方齊舉心田合遞耘芝蘭

俱挺秀荷芰正揚芬樹引珊瑚種屏開錦繡紋小詩排世韻

聊獻野人芹

可園詩存卷二十六

男詒紱孫祖同校字

可園詩存卷二十七

江甯陳作霖伯雨

蠶窠草上

起宣統己酉五月迄庚戌五月止

霪霖

前月苦旱陽今茲雨太甚陰陽氣不調天亦如人病無雷號
令乖兼風勢力橫檐溜倒懸河庭潦深沒磴階浸木支橋牆
傾土塞徑漫溝魚蝦跳溼樹烏鵲噤城市尙如斯苦想鄉圩
更旣符壬破占預防暑頭識諺云壬子破水搭山頭過又田云雨打小暑頭黃梅倒轉流田
家喜變愁呼天淚交迸我亦情如癡滂沱聲怕聽深夏扇捐
秋未昏窗送暝日光埋層雲羲和失其柄頗憶道光中土金
司歲令霪霖與此同滔天成巨浸六甲剛一周莫再逢大祲
修德以禳災人定能天勝彼秉調變權民命固當請士亦清

議流敢具曰予聖不僭亦不狂庶無咎徵應一歌川沸騰再歌雨無正小雅二三篇讀罷互相做

上樊樊山護督四十六韻

阮相文章伯曾侯柱石臣儒生持節鉞繼起有何人山甫聲華遠宗師撰述新桂宮先著籍蓉幕屢爲賓鴈塔名標字龍山地絕塵迴風吹退鷁素食戒縣鶉侍從官辭禁循良職近民居心慈若佛斷獄捷如神愷澤流清渭謳歌達

紫宸名方

丹旰記路值

翠華巡京兆位逾重周廬任最親王尊司輦轂陸贄掌絲綸日月瞻

光近

雲霄荷

龍頻遷官榮豸繡行部轉雕輪劇務雖旁午和衷總協寅半
途回皖浙廿載駐咸秦

西顧

慈恩厚南來

異命申民心償望歲憲幄重班春紫省薇吟白青疇黍頌郇
舉帷行巷陌爲翰仰宣旬察吏官方肅鋤強習俗馴羣材歸
鼓鑄浮議靖露歸湖自頒新政伊誰秉國均境當江海會運
屬水雷屯戍壘嚴防寇邦交愼睦鄰白鹽商勘界赤仄市增
緡治績元豐盛疲氓江左貧欲求蘇鮒涸端賴幹鴻鈞幸假
建康節兼治海國輪風聲周渤澥星彩耀勾陳制置馬光祖
良知王守仁旌旗皆變色

詔旨瞬除真凡此功名赫都緣學術純禮賢居適館說士口
生津自哂拓胸亮幾同驚座遵斗山尊父執香火證禪因風
土編曾獻名賢錄未湮定文頻刻梓志事亦書紳和得沂公
詠容登丙相茵狂殊驚蛟蝶醜比植麒麟博學非洪邁儒宗
豈賀循盼勞青眼及才欲白衣掄特賞殊非料衰年且自珍
鈴轅欣在望椽筆信無倫燕許能華國皋夔願致身祝公三
不朽辭采愧鳞彬

寄祝濟南寓叟濮青士丈八十壽詩四首

年登八十須眉古舞綵含飴樂事皆西域如來參見在東方
曼倩善談諧滄桑世界俄經眼芥蒂平生不挂懷曾向泰山
升絕頂貞松壽柏結同儕

西遊峨蜀東遼瀋行遍山坳與海坳治績南陽追召杜科名

北宋豔祁郊羣羔但欲跪酬乳社燕何能老戀巢行見濟南
徵伏勝安車東帛出函嶠

昔年曾結耆英會五老婆娑酒滿衫獨向騷壇立赤幟早從
宦海挂歸帆奇書快讀眼如洗時事休談口欲緘青笠綠簑
無管東江湖新署散人銜

靈光近接山東境一殿歸然孰與雙泮水重歌芹藻什曰湖
未返木蘭鸞欲賞羊酒申幽頌其奈鳬蒙隔魯邦遙想當頭
月將滿鶴飛吹出笛中腔

可園新詠十首

香無隱廊

秋風生桂樹開軒引微涼步履不聞響衣染空中香儒釋本
一理吾心已坐忘

蕉逕

屋角夾種蕉通幽曲成逕當午陽不驕報秋雨先聽重雲帶
高天得此清涼境

豆籬

生事樂田園種豆編籬落
花開閒白紅牆根鳴蟋蟀
忽憶翁森詩讀書秋日樂

桐竹交翠堂

垂簾坐清晝吟詩動古懷
韶樂久不作空具琴笛材
和聲鳴盛世儻有鳳皇來

蟲窠

此豸本蝟蝟惜哉未聞道
嗜好與俗殊食字胸常飽
神仙雖難成是中可終老

蟄齋

百蟲蟄於冬而我蟄於夏展書坐風檐客亦杜門謝亢龍利
用潛吾姑隨造化

稚松坪

稚松高數尺微露擎攬容人無百年壽安得待成龍撫之如
子弟毋廢培養功

通涵橋

後山地勢高雨過水四溢東流趨一門潺潺聲愈急荷笠來
聽泉獨向橋上立

看山待月之臺

牆頭山色佳月更出山外長嘯一登臺四顧空無礙可人期
不來停琴坐相對

留春亭

春初開海棠春末開芍藥眾花園一亭狂風吹不落塢以煖
春名吾欲仿刁約

出新開豐潤門望後湖和孫呈詩喜次其韻

北望空無障湖光湧入門一隄通馬路叢樹隱漁村只覺來
乘興休虞罰鑿垣長文知撰杖星聚事重論

次韻答丁禮民二首

同是江南老禿翁獨善其身能固窮薪厝不免憂賈子蒲輪
誰復徵申公半日習靜我姑坐一杯深酌君時中況有棋局
消長晝幾經墨守與輸攻

少壯倏忽成老翁龍方戰野吾道窮固哉自甘爲高叟久矣
不復夢周公歷古今時道在是界南北極國居中茲文尙幸

未墜地斯害也已異端攻

遊寶華山遇雨

羣山迴合成一山步行十里忘險艱一重一掩望不盡綠陰
夾道生晝寒不知淮源伏何所但聞流水聲潺潺古木叢中
通一徑愈高愈遠愈曲蟠蓮花瓣瓣簇成萼慧居禪寺置其
閒鴈窠大師修道處黃花遶洞金光攢打柴汲水背功德林
樹不彫井不乾銅殿雖燬餘瓦片古時翠鏤猶爛斑紫龍有
沼畜蜥蜴鍾山靈谷應同看溼雲漫天忽作雨蒼苔路滑行
蹣跚疑是誌公弄狡獪特來試我腰腳頑拜經高臺矗雲表
力乏不復窮援攀味留有餘趣乃永倦未至困神自完藍筇
下山屢迴顧重重煙霧迷林巒小米大癡濃墨畫奇絕更極
平生觀

仿翁森冬日讀書樂二首用元韻

耳目聾瞶筋力枯故吾倏忽成今吾
藜端偶然太乙火雪中
高臥君山廬蜩蟬爭鳴羹沸水誰是讀書真種子
讀書之樂猶解尋歲寒松柏同此心

朔風振林萬木枯淡然兀坐我忘吾
祕籍瓠中藏史漢臥遊壁上圖
衡廬一年汨汨逝流水閉戶讀書課孫子
讀書之樂且共尋仰看明月到天心

秦淮費舍讌集感賦矧丁禮民

立中

沈子良

維驥

重九未登高展期至冬序癸肥菊未殘
聊復開尊俎令嚴酒不苛興豪詩漫興
山陰集謝王歷亭會白甫雨竝來舊新月
不分今古門前秦淮波治遊屏簫鼓吾曹
非俗流合是懷葛侶奈逢世運衰復社
燭餘緒清議喧蜩蟬邊畔迫豺虎儼非

醉醒陶何以遺愁苦我雖不善飲杯常手中舉似聞鴉集林
好音懷東魯

登平臺望雪用東坡聚星堂韻

霜高萬木枯無葉夜半風嚴舞迴雪出門四顧湛虛明策杖
登臺呼快絕遠山失去無可尋叢竹壓低如欲折亂鷗巢樹
噤不曉遺蝗入地種皆滅居奇米價定減平行凍輿牛見曳
掣憂時心自與眾同望遠眼非因醉顚轉念秋來理荒穢砌
石編籬眞瑣屑此臺歸然復舊觀十餘年事風花瞥昔日循
陔爲養親情懷且與童孫說儻將白雪補笙詩三弄梅花笛
吹鐵

寒夜

夜寒書暫拋人倦被早擁幃響報風生窗明知雪重焚香爐

灰溫插梅瓶水凍燈燄小於螢衾窩縮成蛹夢久斷邯鄲妄
念寂不動

仿元楊仲宏載齋中雜詠十首

焦桐

不料焚餘木中郎有特知盤根材自老火色相原奇斷認蛇
紋處陰思鳳集時移情在何許海上訪琴師

蠹簡

貌爾么麼類偏多文字緣守書難免腐食古未能仙不盡鑽
研意難逢解脫年蟲魚原幻化爾雅我能箋

殘畫

一幅丹青好其如色黯何印鈴尋廖客劫換記宣和墨惜鴉
塗淡痕留鼠嚙多通靈休化去神物賴撝呵

舊劍

耿耿精光在依然射斗牛交曾同患難報敢快恩仇風雨終
年伴關山萬里遊莫嫌鋒已鈍談笑覓封侯

破硯

雲影休全掩盈盈月半泓十年磨欲透一擲恨難平石爛空
留誓田荒尚可耕拾遺兼補闕玉帶幕中生

廢檠

看書曾到曉倏忽棄牆邊木朽同無用膏明悔白煎光輝留
法界位置得天全去去休珍惜青藜太乙然

塵鏡

午日江心鑄曾傳百鍊精泥沙埋已久肝膽照難明陌遠因
風捲雲濃礙月生芙蓉空後約磨礪斷科名

斷碑

洗刷精神出娟娟月隱雲周秦時待辨篆隸體須分軼事關
前史偏旁證說文莓苔生古碧傳是帝王墳

敗裘

炳蔚爰占異名空虎豹尊毛從何處附心憶舊時溫熏尙留
香氣斑難認酒痕願如償白傳春色滿乾坤

敝鐘

獨向山坳臥蒼苔色自濃音沈誰解叩腹大尙能容懸紐尋
追蠡吟聲闕蟄龍摩挲捫鑄字典自重臨雍

丁氏四代一堂吟爲禮民教授作

治山佳氣滃然起四代一堂人送喜儒得官時官亦儒子生
孫後孫添子曹彬取印兆晬盤茂宏卜世占淮水剝果不食

仁復生讀書種子分明是

已酉歲莫漫成用進退格

事無大小總糊塗呼馬呼牛一任渠門巷泥深無客過庭階

雪滑倩孫扶自憐老態頻看鏡猶爲來生豫讀書地震雷鳴

十一月廿六日雷
電廿七日地震渾不問梅花寫作喜神圖

白遣

朔風凜冽歲將除老子婆娑興有餘常喜嘉招來洛社

與老友作

消寒會

戲編小說仿虞初

蔡養和
軒筆記

園多隙地聊栽樹

時梅桃林
摘蘋果諸

樹囊乏贏錢尙買書

購嘉定錢氏全書

漫問餘年猶有幾姑謀行樂

遣居諸

寒甚

日窮月盡星迴夜寒甚堯年聽鶴談殘雪滿山鉤勒畫日明冰

可園詩存 卷二十七
挂甯短長參鴈留孤影遲歸北梅綻新花競向南剝爛復生
關易理間將消息靜中參

已酉除夕述懷

七十三年又滿矣過去光陰似彈指於今世味已飽嘗到老
名心猶未死壽逾長樂將杖朝事紀遺山強號史吁嗟平年
年精力盡於書書中靈爽今何如且援祭詩舊例澆之以屠
蘇

入靜海寺登三宿巖 并引

宋紹興末虞忠肅公破金亮於采石舟過建康三宿山下
因以名巖至明永樂中太監馬三寶返自西洋造靜海寺
於巖前巖爲寺掩人鮮遊者宣統初元寺中建朝月樓望
江亭以標名蹟春日登眺感賦此什

盧龍山下有叢林
宋明兩代留遺跡
寺矗危樓巖峙亭憑闌
四望形神適沿江不斷峰巒青一縷微分天水白
戈船番舶互往來東走海門西采石天生險隘藉人謀
古事今情增閱歷莫矜馬監下西洋但羨虞公破強敵

花朝日愚園讌集卽席有作

徑滑泥融不起塵
水光潋灩石嶙峋
淡雲微雨初春景散幘
斜簪六代人四座傳籌喧
酒令一杯引滿壽花神
隨園亭榭曾親見
時展閱隨園圖詩醉後模糊記不真

挽沈筠生

國翰

直牧二首

秣陵有茂宰久挂汜湖冠
閉戶卅年隱親民卅載官
戴星傷力瘁昭雪感

恩寬

君結吏議罷官蒙登極恩開復

公論是非在居然定蓋棺

可園詩存

卷二十七

九

歷歷前塵事思如夢幻泡亂離經世變文字重知交官幕曾
分燭郊居竝結茅此情誰與語老淚向風拋

聞泰西人購金陵通傳感賦

少年好今不好古中國文字棄如土是何海客來歐洲市中
書籍頻採取眼明忽展通傳看謂是江左名人譜欲付徐市
船載歸居然姪女錢工數自顧才非虎觀儒幸逢集購雞林
賈吁嗟乎泰西猶解慕華風媿死今時原伯魯

泛後湖

晨日光熹微明湖景蕭瑟水空清鑒臺舟小劣容邾風輕波

紋生雲重山尖失疊青訝荷稀碎綠愛萍密新築島成三新

豐潤門築隄
連五洲爲三

小別年經七

自癸卯遊後
久未到此

世事任推遷予懷終

曠逸鷗鳥尙有情低飛若相睽

從事江蘇通志局分纂得先賢傳追念府縣志同局諸君子
無福登詞館頻將史筆持萬名點鬼簿三次折肱醫候爾卅
年過倏然一老遺爲君作佳傳後死責奚辭

纂先賢傳感賦二首

衰齡求神仙藥餌競服食軀殼縱幸存於世何所益我有不
死方神妙無與匹立德與立功千秋付撰述古人返魂丹今
人記事筆

我生恨太遲古人未得見開卷試覓之精神躍然現漢唐不
覺遙奚論元明彥一一呼之出與我相周旋彼哉斗筭徒並
世何足算

謝俞恪士觀察贈詩扇

久嫌頭腦太冬烘忽地涼生掌握中趙盾不教矜夏日袁宏

從此奉仁風閒將麗句妍詞諷珍與香羅細葛同蟲聚蠅營
方待掃非君孰任廓清功

曬書見舊時文稿感賦二首

陳陳久已苦相因功令文章忽變新藏玉永無沾玉日拆橋
皆是過橋人四書束閣誰尊孔一炬然灰忍付秦簡練揣摩
緣底事夢中六十有餘春

行間有字皆嘔血海上無香爲返魂芻狗本爲殘棄物泥鴻
空認過來痕竟教拋去心猶惜欲再談時舌久捫借問嵇康
廣陵散知音牘有幾人存

可園詩存卷二十七

男詒紱孫祖同校字

可園詩存卷二十八

江甯陳作霖伯雨

蠶窠草下

起宣統庚戌六月盡一年止

題吳花農觀察

祖梅

日課詩卷

間愁都掃盡妙筆寫成之周處歲時記梅詢日課詩寸心欣
有寄逝水亦如斯悟微楞伽旨拈花獨笑時

題胡碧澂同轉新築孺慕亭

嗚呼聖教衰三綱幾淪絕突兀見茲亭令人懷世德緬昔愚
園翁奉母常侍側斑綵戲舞衣栢捲存口澤園居博親歡婉
愉見顏色歲月逝不留音容俄焉失嗣子明發懷瞻雲渺難
及拓地西北隅小築傍水石陔養補周詩庭趨尋孔跡卽此
寄孝思爾類能永錫芝蘭遠自馨松柏寒逾碧咫尺春暉堂

可園詩存

卷二十八

一

惟亭庶堪匹

寄丁秀夫都中四首

朝廷禮教民風俗仕隱由來道不同共抱文章傳世想君留

柱下我淹中

君在京師禮學館予在江蘇通志局均任分纂事

記曲旗亭曾畫壁當年裘馬亦翩翩不知梅竹櫻桃衙歌管

何如卅載前

楊梅竹斜櫻桃斜皆街名優伶所聚處也

禮部堂顏毫點露高元殿額筆凌雲介溪不幸爲丞相孤負

鈴山一卷文

禮部堂夙夜匪懈四字及大高元殿額皆嚴嵩手書

我輩好遊有深癖船簪馬背各詩成西山雲樹西湖月兩處

吟秋一樣情

時將游浙

觀勸業會歌

東北燭天燈火光金陵勸業開會場此會中國所未有請從

晝游道其詳入門忽聽風濤響晴天亦雨暑亦涼人力竟能
奪天巧噴泉散落百丈强市廛羅列判左右路如蠟磨居蜂
房萬里舟車百貨集西窮若木東扶桑珊瑚翡翠瑪瑙玉筐
箱囊橐几席牀綾繒紗葛絲繭布蟒鱷豺虎獅鹿獐製物用
物羣動物陸離光怪眩目眩廿二行省聚於是館舍几推湖
北良鶴磯赤壁縮地到竹樓彷彿登黃岡覽之不盡行不盡
長日苦短俄夕陽火龍在空齊吐芒銀花萬樹何輝煌明月
當頭避三舍繁星萬點開天闔此中大有金銀氣一埽亭亭
多寶裝萬家膏血疑不散餓摩天上羣翱翔吁嗟乎自古儉
樸爲國寶奇技淫巧皆豫防奈何習尙日奢侈競欲鬪富傾
西洋外强中乾有如此我爲中國商人傷

湖北館攬勝二絕句

黨禍始清流名區稱宦游王黃州不見彷彿宋時樓

竹樓

金陵俯長江上與武昌接鶴唳一聲秋催出西江月

赤壁磯

秋夜

天意渾難測仰觀天色蒼河收星聚影月借日餘光秋淺夜
猶熱夢多醒亦忘耳根何擾擾仍是鬧蜩螗

壽金粟香同轉七十詩四首

華堂迤邐敞銀屏海上仙山久毓靈月爲中秋增瑞霽天留

此叟應文星程侯族羨功名盛粵嶠官傳姓氏馨

晉宦游
廣東白

陸詩人皆老壽揮來彩筆不曾停

捧檄迴思親在時春郊行部日遲遲采風曾創赤溪志

官赤
水廳

有赤溪梧州休泉刊考古頻刊冰井碑元次山詩碑雜憶陶廬緣感舊

陶廬

雜憶詩數百首表彰宋墓屢徵詩劉師勇王安節循良一傳憑人說

歸去來兮琴鶴隨

行蹤本不待安排老子婆婆興致佳例及七旬登洛社著成

五筆仿容齋

粟香隨筆有五集

每防言激翻成罪漫道憂深無可埋

滄海揚塵成底事神仙遊戲不關懷

四世同堂眾所欣芝蘭到處播清芬五年以長偏慚我兩地

相睽最憶君聞說泛江臨鄂渚

君時有湖北之行

從茲拜紀爲陳羣

余與伯豫世兄同事

蘭陵美酒休論價酌兕先成介壽文

鹿文端公挽詞

四首之二代作

中外幾經敷歷偏揆文奮武見經綸龔黃自昔爲循吏頗牧

於今屬禁臣扈

蹕親提貔虎隊要盟能使犬羊馴齊賢逝後孫何繼

張孫二相相繼

薨逝海內羣欽第一人

社稷安危指顧中不辭謗怨不貪功司天喉舌樊侯甫奉主
心肝郭令公柱石四朝名望重車書一統軌文同憂時可奈
精神瘁

聖詔褒崇重節終

秋感

歲月去何速林亭幽且清桂香含露氣梧落減秋聲卻杖誇
強健備書立課程寸陰須護惜況乃暮年情

愚園社飲八指頭陀適至詩以贈之

瓦官寺側共銜杯六代江山感劫灰丹桂香中居士悟白蓮
社裏遠公來光陰草草供行腳文字英英亦辨才儒釋兩家
皆欲盡師應與我有同哀

題丁秉衡

國鈞

虞山歸隱圖

我昔鼓棹淮南行荆山塗山相對青又嘗買舟泛湘水九疑
連縣接洞庭舜禹巡游所到處山川往往含英靈三代以上
氣渾樸蜃蛟樓閣皆潛形傳聞海虞地最僻林泉秀特無能
及仲雍言假開文明聖賢千載留遺迹探幽未到頗自慚料
理南遊蠟雙屐君今示我秋山圖千巖萬壑途縈紆三閒屋
矮容寶榻一葉舟輕坐釣徒自云彷彿虞山景年來吾亦愛
吾廬松栝參天陰蔽地預作他年歸隱計我不願君言達權
文身斷髮隨風氣我但願君常守經學詩習禮探精義虞夏
道統傳在茲鄉環宛委應無異抱書入山深復深山中猿鳥
皆知音爾時策杖來相訪慰我高山仰止心

再觀勸業會場

誰識民生窮祇見物產靡觀場且隨緣再來興未已文軌東

夏同汪奇婦孺喜瓊寶萃龍宮層樓迷蜃市游戲本仙心夢
幻亦佛理預作記念情一壙巍然峙

場中築
記念壙

自蘇州至嘉興舟中作

昨日車聲奔電疾今晨帆影壓波低行經入尺過平望帶得
殘陽到浙西

死央湖邊望煙雨樓

風起死央湖上秋臨流欲渡苦無舟我來竟未逢煙雨紅出
斜陽畫裏樓

到杭州

老去游心仍未減吳中景物況清妍趁將腰腳猶多健來與
湖山了宿緣濃抹淡妝天下豔排空馭氣地行仙貧興借試
思前事

或豐己未江南借浙
間鄉試予以事未赴

遲我登臨五十年

翁少文大令

長芬

招飲明日返蕭山卽贈

無心忽相遇樽酒特招邀
宦海人多感寒窗燭共燒
醉中談往事客裏此良宵
莫負隔江望西興趁早潮

城隍山秋望

峰勢坡陀壓巨壑
九秋霜氣肅林皋
湖江夾地雙流判
城郭圍山十丈高
一廟凌空飛碧瓦
百年守舊尙青袍
錢鏐金亮皆塵土
立馬誰爲人世豪

湖上紀游詩四首

言出湧金門蒼煙吐
初旭西湖落吾手
淨綠若可掬買得小
小舟劣容人六七
打槳泛中流四望眞
曠絕寶石與雷峰兩
埕相對立東浦至
跨虹六橋亦遞及
蘇隄臥波長
內外界遂隔南北
峰勢張屏風
幾層疊孤山鶴已飛
三潭月未出
精忠

可園詩存

卷二十八

五

禮岳墳退省尋彭室沿岸恣幽討終日安能畢歸途景益奇
日墮兩山隙倒射一湖明衣襟色皆赤

踰晨乘筇將取道南屏麓聞鐘淨慈寺古井見神木層坡轉
漸高徧歷三天竺咫尺靈隱閒夙號禪僧窟門側飛來峰呼
猿洞在腹冷泉清且深亭留判事迹韜師卓錫處尤能俯一
切竹樹蔭層崖磴道數百級愈行境愈佳精進借猛力天花
隨雨飄是時微雨觀空泯眾物玉泉金鯽魚亦是善知識我法悟
上乘豈徒資眼福彼哉濟顛輩狡獪何足錄

西湖天下奇一覽覺未足泛棹重來遊山色曉更綠問途隱
秀橋有園實新築厥名水竹居晴波占一曲遙指湖心亭軒
窗面面拓勝區規制存柏堂數峰閣文瀾連行宮玲瓏聚
巖石迢遞諸祠宇映帶多花竹唐宋逮本朝名節森林木

偉人閒世生湖山增氣色我祇平等觀古今供一瞥死不掉
山邱生不羨華屋但欲夜夜來冷抱湖月宿

昨日湖泛舟今日山行躋路越石屋嶺山石遂犖确臥獅象
其形猙獰狀貌惡煙霞洞最深闇處火不灼雲樹忽開朗吸
江一亭凸行行踰前山夾道叢林薄霜淺楓未紅青黃尙參
錯徑寂不逢人一僧閒掃葉理安在松顛巖泉滴不竭九溪
十八澗近與雲樓接鎖山有文字蓮池留手澤飽飫香積廚
足力乃不乏欲觀錢塘潮遂登六和塢細流復不遺虎跑挹
一勺妙境探難窮天巧非人鑿強作紀游詩才慚謝康樂
前吟意有未盡復作小詩五首補之

西湖開水利六井實爲先鄴侯祠獨缺祀典正何年
稚川煉丹處誰識賈平章草根鳴蟋蟀葛嶺秋風涼

千山轉春雷到處流泉響吾愛六一名悠然獨神往
高氏藏山閣廉家小柳堂新舊雖逼處兩莊俱未荒
晚行南高峰蒼翠四山合山外復有山夕陽紅不落

西湖月

吳中山水真佳絕縱不忍別終須別夢魂常自戀杭州柳隄
松島無由接多情千里隨我歸唯有西湖一片月

朱芝田明經

紹鴻

以重游泮水詩徵和賦贈二首

少年頭竟白在泮酒盈罇六甲周遭度重庚先後論

君以道光庚戌

入丰姿孤鶴矯典禮餽羊存就養來東序青衿亦達尊

剝餘留碩果天未喪斯文橋梓樹相倚

尊人以乙未年重游泮水

棣棠花

竝芬

豫生令弟先一年入學

晴暉明夕照幻境閱浮雲來歲後塵步分

君一把芹

季克之勳八十壽詩十二韻

江南多壽者矍鑠最推翁袖挹聖俞輩

梅景韓年七十七

肩隨君實

公

司馬晴江年八十一

雄心歌犬驥吉兆叶非熊在泮知芹美憂時願

穀豐胸襟消磊塊耳目竝明聰談笑能諧俗游行若御風韓

康人盡識榮啟樂何窮令子官班貴封君爵命崇自慚材散

櫟亦復鬢飛蓬事以五年長圖曾九老同塵揚滄海碧日愛

晚晴紅俾爾昌而大詞摹魯頌工

謝湘谷

庭蘭

八十壽詩二首

代作

華堂日暖敞銀屏東閣梅花異樣馨古佛自能呈壽相上天
共說有醫星居孥庾信小園賦筆注神農本草經奏罷鶴南
飛一曲浮雲吹散暮天青

白髮蒼顏地上仙五朝親見太平年談諧語妙東方朔排解

情深魯仲連，矍鑠據鞍誇老健。從容述事喜兒賢，自慙翹首龍門望，未得相隨拜綺筵。

晨步可園，見木芙蓉盛開，卽景有作。

凌晨步孤邱，霜氣隕林樾。忽覩一枝春，離離吐紅萼。色較菊英佳，名且荷葉託。采香斷蜨蜂，吟秋賸蟋蟀。利日照逾明，涼風吹不落。騷怨感靈修，邊愁動朔漠。晚節勵何人，自守歲寒約。玩茲冷豔姿，聊以慰寂寞。

消遣

短景催人歲欲除，老來精力近何如。閒中消遣非無計，晴日遊山雨霽書。

勸業會場有機升壇，公園有賽菊社，秋末往遊，感賦一律。
塔運電機從地起，菊乘霜信報秋深。卑棲忽據崇高勢，隱士

都懷爭競心縱使臺成難避債須知鍋小亦銷金晚香莊與
長干寺令我追思直到今

戲贈湯婆

八十暖需人賴卿有熱性殘妝卸因眠胎教守非孕一場春
夢濃百沸愁心定老矣夜度娘藉以侍衰病

十一月十五夜登平臺玩月短歌

山坡有竹鄰無樹自來看月宜高處寒披鶴氅園中來愛月
相與登平臺此臺不許凡人登呼吸通天天亦磨此月不許
俗人愛一片光明無障礙斗星北指認依稀鳥鵲巢寒寂不
飛萬類喧囂羣物競何圖得此清涼境月光愈冷愈精神下
視人世皆浮塵瓊樓玉宇乘風去雲中儻遇神仙人

重游泮水感事述懷六首

可園詩存

卷二十八

八

泮池春暖陳初融綽楔依然廟貌崇今日先師升上祀當年
童子變衰翁冬烘坐守枯甕白晚景常留夕照紅鄉校有人
方議政共憐此老太癡聾

配天德久仰巍巍萬仞宮牆許再窺釋菜不忘周代典采芹
重詠魯人詩潛身豹窟將終隱小技蟲雕悔昔爲撰述縱云
無所益乞言難得

聖明時

羔雁充庭禮數繁長官削牘語偏溫孝先腹愧臧經笥文舉

躬題通德門藜杖火然方校史

時充通志局校纂

蒲輪車穩待承

恩朱家理學

芝田玉生昆仲

鄭經學

伯英廣文

同輩雖餘三子存

閱歷平生事半乖小時了了大非佳曾吟王粲從軍樂

從戎京口

屢與孫宏上計偕

三上公車

歲月蹉跎成老輩煙雲變滅感予懷

幸留一領青衿在來訪依仁游藝齋

明德堂前舊有志道等四齋

年來學校植如林夷樂兼收昧與禁
延壽尙存魯殿賦嵇康休悼廣陵琴
文章述祖睦留硯經訓傳家不用金
賴有壁中絲與竹聽來猶是古時音

負筵側弁影俄俄博帶深衣賸幾多
東序忝登鄉飲席西京最重茂才科
繪成白傅香山像悟到坡仙春夢婆
儻得假年臻上壽秋高又聽鹿鳴歌

冬日園居

冬圃迎陽暖修除課短奴澆花防水凍
壓竹取泥汙老樹枯猶活遙山淡欲無
園林一周覽藜杖不須扶

大理石山水自然畫歌

何人繪此圖一幅煙波縈漾山重複
叢林杳篠不見人隱約

可圓詩存

卷二十八

峰腰挂飛瀑春初景物最清妍深處濃青淺處綠近時高手
畫不到疑是雲林與石谷細觀不見絹素痕質地堅白界畫
分昆刀切開石理見依稀猶帶天南雲鄭甥鳴謙之得此持贈
我晶屏玉鏡何足珍漫詠東坡題畫句且作襄陽拜石人
題十八羅漢畫像

眾生苦昏迷一佛乃出世南無阿羅漢羣自雪山至不知道
行誰淺深且向紅塵恣遊戲或以錫擔肩或以杖拄地或布
袈隨身或蒲團坐睡或耳癢自搔或手叉作記或擎埵相從
或倚巖小憩或拂引風生或扇卻暑退振鐸或聞聲托鉢或
乞食殺狸或首承於菟或力制或降或拜龍騰空或挑或捧
經歸筇凡此十八人各顯神通技世人自詡考據家搜討佛
經尋故事我謂心卽佛虛寂無所累以色相示人已落第二

義如必歷指爲某某毋乃於物太凝滯請看老畫師署名無
一字金冬心羅兩峰付與旁觀強評議畫中障翳一掃空獨
於我佛傳真諦菩提非樹鏡非臺翰墨因緣此焉奇

緣堂
印章

圖角有
蔡氏墨

除夕雷雨感賦

犬兒年已盡春氣暗相催暖釀漫天雨聲驚出地雷物難安
蟄伏人苦不癡歎明歲知何似觀時眼懶開